



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 83. Causa Berquini continuata.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

„cio adjuturos, Deumque, ut tam san-  
 „cto proposito faveat, imploratos. Sæcul. XVI.  
A.C. 1526.  
 „Si vero ob communia peccata meum  
 „consilium ad finem perducere non po-  
 „tero, saltem id mihi concedet Deus,  
 „ut in eo pertractando, antequam spe  
 „dejiciar, vitam finire possim; nihil  
 „enim mihi infelicius accidere valeret,  
 „quam si in tam pestifero incendio salu-  
 „tarem manum adhibendi spe, & facul-  
 „tate privatus vivere deberem. „ Ve-  
 rum cuncta hæc tam generosa Pontificis  
 consilia suo successu carebant.

## §. LXXXIII.

*Causa Berquini continuata.*

Anno Domini millesimo quingentesimo  
 vigesimo tertio Ludovicus Berqui-  
 nus a carcere suo dimissus promiserat,  
 se haud ultra dogmata sua sparsurum.  
 Verum Ambianum secedens violata pro-  
 missi fide rursus errores suos ac deliria  
 non sine gravi Ambianensis Cleri, po-  
 pulique offensione divulgare cæperat.  
 Huic ergo malo, ut sese opponeret præ-  
 fatæ urbis Episcopus, Parisios se con-  
 tulit, apud supremam Curiam de Ber-  
 quini flagitiis questurus. Valuit succes-  
 sus; quippe ad Episcopi preces Parla-  
 mentum die septima Martii hoc Anno  
 Christi millesimo quingentesimo vigesi-  
 mo

Sæcul. XVI mo sexto Berquinum comprehendit  
A. C. 1526. jussit.

## §. LXXXIV.

*Berquini propositiones a Facultate  
Theologica damnatæ.*

*Argent. t. 1.  
in fine p. 5. t.  
2. p. 40.*

Eadem occasione Facultas Theologica Parisiensis præfatum Berquinum nova perstrinxit censura, ac sequentes illius propositiones damnavit. *I. Reservatio casuum non impedit plenariam peccatorum reservationem. II. Petrus super singulos fideles a Christo primatum potestatis non accepit. III. Si Papa esset jure divino super omnes fideles Ecclesiæ, nullus posset eum absolvere, nec consistentem audire. IV. Humana opera vitæ æternæ meritoria, pro pudor! V. Sophistæ vocant fidem credere totam Historiam Evangelicam, quod & dæmones credunt, Lutherus vocat fidem fiduciam misericordiæ divinæ promissæ in Christo. VI. Fides sola justificat, id est, sola causa est, propter quam justificamur. VII. Ecclesia irrationabiliter præceptum de jejuniis instituit. VIII. Verum jejunium est, quod corpori non plus alimenti concedatur, quam ad conservandam sanitatem necesse est. Octo hæc propositiones damnantur tanquam Schismaticæ, Ordinis Hierarchici eversivæ, erroneæ, Hæreticæ, Lutheri erroribus conformes, Ecclesiæ Catholicæ injuriosæ, errori Beguardorum proxima.*